

上虞縣誌
(光緒)
七

上虞縣志卷三十四

學校志下

書院

月林書院在五夫市清風峽宋潘經畧時勦朱文公講道

之地也

正統志

廢久址存

萬厯志

○

明潘府記月林書院

林書院在五夫市北宋潘經畧勦朱子講道之地今即

月林堂記觀之則書院誠經畧公自勦也又按戴正心

跋朱子與潘恭叔御書則知晦翁嘗訪李莊簡於五

夫館於月林書院經畧公因令諸子友端輩受學焉予

意朱子最後為浙東提舉必又往來斯地四方學者輳

集遂為講道之所宋理宗手敕謂朱熹所註四書原本

在卿家信不誣也既云講道之所必祀先聖為宗惜乎

廢久迄今三百餘年幸有清風峽浮香閣疊錦溪皆其

書院

遊息遺址尚存五夫也然滄桑之變理數自然而大半
屬之他姓祀典久湮無怪也予於去治戊午構一書堂
於南山之下顏曰南山書院方舉祀典又羈王事弗暇
也後六年冬乃自廣東棄官歸南山遠近從遊者三四
十人明年春祭丁行鄉約歌詩奏樂講書讀律通鄉耆
俊咸萃斯地而吾母亦往觀約焉諸老捧觴再拜祝壽
吾母曰今日鄉老數十輩一拜幅巾瀟灑猶愈於廣東
諸名宦金紫崢嶸也俟吾母先歸乃舉約禮禮畢曲水
流觴無算而止洋洋乎禮樂衣冠之盛視之宋代爲何
如也蓋惟法其意耳亦何嘗有心於襲其跡更求勝乎
予一日又過聽鄉人之言曰書院遷鳳山雖不及南山
之奇絕然路近往來差便也否則爲隣縣勢要請佃矣
因改廢寺建月林書院又代逃僧賠糧應役償債起業
將爲祭祀賓友義倉義學公私經久之計惟期禮制之
益崇而欲剏建之益備也不意行幾一載小人竊乘劉
瑾時事而如之者至矣乃濫奏折塔毀寺起造修經閣
青山白水亭諸事却如真有神明護持凡所忌諷者皆
吾分內事也時幸御史巡按楊公滋亦諳大義乃謂巡

守龍公霓云甯使潘公家人贖公罪勿隱改建書院關
邪崇正之盛舉也蓋楊已密訪得新遷書院記矣龍遂
如言事乃息書院與寺亦並廢而南山之祀復自若也
久矣天道好旋提舉陳公遵奉聖諭許令廢寺重興先
賢祠宇邑幸伍公因以月林廢院告遂草建之其今遺
址則參政黃公瓚親定者予猶慮其事不專一業不可
久乃通以前產捨歸縣學具請提學副使徐公董管糧
參政宮昺行令每歲月林書院差官主祭及完糧差或
有餘資用修書院因增置所未備庶免日後被人侵佔
而錢糧有歸書院永久不廢也噫予不肖天性素僻在
長樂拆毀寺觀以城長樂厥後在朝又乞通毀天下寺
觀以崇正祀迄今東歸復爲此舉齟齬百端固爲太痴
然幸上天默佑之功而闢邪崇正之志亦能借是
一少償也故爲具載月林廢興之始末○五夫志

涿澤書院元初草創於西溪湖東

正統志

至正間方樞密更

置金巖山東因朱文公弭節於此立祠祀之今院廢猶

書院

名其地曰書院前橋曰來學橋至正二十六年儒學副

曰聖人之道自孟子歿而失其傳至濂洛諸儒始倡明

之然不再傳而異說並興學士大夫反從而惑焉新安

朱先生起而麾之紹隆道統折衷羣言以覺後學至今

賴之矧昔所按厯之地功德在人則祠以祀之宜也先

生以宋淳熙辛丑秋八月拜提舉浙東常平之命其冬

十二月視事於西興時浙東大饑紹興為甚先生舉行

荒政條奏纖悉其郵民之意至矣上虞紹興屬邑則其

所與被者邑人李莊簡公之甥直顯謨閣潘公時當時

賢者與先生相知深二子友端友恭皆及門受學而其

問答之詳造詣之密見諸文集可考邑人得於私淑淵

源有自來矣先生功德彰彰在人耳目而祠未有能與

者豈非闕歟今榮祿大夫知江淞行樞密院事方公始

建書院而立先生之祠意蓋有在也先是縣西南一里

有湖曰西溪民資以灌漑旁湖之用恒得歲焉逮宋季

籍湖地之高者為田而租入強家曰籍田田下故植菱

藕其後泥淖澗積豪民因耕其中曰蕩田合為畝凡九

千一百有奇初籍田枕湖號爲膏腴及蕩田興而水利
分百年以來高下異勢而肥瘠遷化蕩田歲稔籍田視
其租再倍而多荒於草莽至郡縣責逋負一切繩之以
法民交病之至正十八年公爲江浙行中書省叅知政
事總餘姚上虞之師乃克命官驗田高下以均其賦復
命治堤坊通溝洫以備水旱成豐年於是民大驩洽謀
卽湖濱爲公立生祠曰泳澤公聞之謂其人曰政有當
然而何勞爾民若是民固請公曰必欲爲之曷若立書
院興學勸善俾爾子弟游嚴師益友之間以漸於教化
入相孝慈出相禮讓景仰前哲使忠義之風永承不墜
不亦善乎且吾聞文公朱先生昔持部使者節以臨是
邦救災卹患嘗有德於爾民而誦其詩書以成德達材
者復不絕於世有功於斯文更大其爲澤更遠矧今朝
廷追美先猷爵以大國改封於齊於儒者有光焉遂戒
有司相地之塏爽者得於金巒山之東廼掄材僦工諏
辰協吉以興斯宇儀門禮殿祠宇堂筵齋廬庖庖凡若
千楹瓦壁塗墍丹雘之施聖賢儀像几席籩豆罍爵之
設亦旣完且美矣公復以白馬夏蓋湖田一千一百餘

書院

畝歲入以供春秋祭祀師生之廩食經始於二十五年春落成於冬十一月民衆聚觀無弗慰喜其父老有識者喟然嘆曰公旣均賦以生我又忍以禍故而勞我使來遊來歌者咸霑漑乎聖賢詩書之訓以淑我則吾人之涵泳其澤者甯有涯哉公無事於祠而公之盛德庸詎可泯迺榜之曰泳澤書院從民志也 萬曆

十二年知縣朱維藩復西溪湖并復朱文公泳澤書院於湖濱南北深一十二丈東西濶九丈蓋屋兩層前三間爲麗澤堂後三間爲祠所遷文公像於中兩廂各十間儀門三間榜曰文公祠前石坊題曰泳澤書院再前爲來學橋春秋祭祀修理養贍之資舊有田七畝坐奎文閣後朱令請於郡守蕭良幹將没入澄照寺田五十

畝給學贍費春秋丁次日縣官及教官率諸生行祭禮
蕭良幹記畧宋文公朱先生提刑浙東講學於虞之西
溪湖虞人慕之久而弗諼也卽湖濱爲書院曰泳澤以
志思焉元人記之詳已歲久湖湮廢書院亦傾圯夷而
爲田者且二百年所萬厯癸未不佞來守越則諸生手
牒而至請復湖余可之以屬令朱君旣有緒諸生又手
牒而至請復書院余又可之於是令朱君聚材鳩工諏
吉選勝爰就湖之許爲堂若干楹後爲室若干楹左右
爲翼舍各若干楹而綽楔其前榜曰泳澤書院仍舊名
也旣成諸生來問記余嘉諸生之勤也其不懈思知所
嚮也朱君之周也其於民事急所先也亟趨其地與落
成焉已乃進諸生而語之曰諸生知復書院固也抑爾
故有當復者而未之思耶夫爾邑之名虞也豈不以虞
舜之遺哉聖學一脈肇自虞廷而危微之旨精一執中
之訓固千聖之眞傳萬古之心印也諸生爲虞之士而
或不以虞之學爲學也無廼自遺厥珍已乎諸生曰唯
唯已又進朱君而告之曰書院之作以貞教也虞廷敷

教本諸道心之微而順施於父子君臣夫婦長幼朋友
之間勞來匡直輔翼振德使人各得其性若此也令於
諸生爲師帥爲虞之師而或不以虞之教爲教也其毋
乃自失其故已乎朱君曰唯唯於是守轍然而喜
可知也日茲書院其庶幾不墜哉世衰教隳功利日熾
其不知學也無論已卽其學也循文執藝者或不知反
求諸本心談立語虛者或多至疎濶於倫物又其甚者
談則舜行則跡名實懸殊不可究詰茲近世所以諱學
而書院所以爲天下厄也信如良師帥賢弟子相與以
有成也率吾之良心而達之於彝倫日用致其精一之
功察之危微之辨以發之父子罔不親發之君臣罔不
義發之夫婦長幼朋友罔不別不序不信也則豈特文
公之澤由茲以衍雖謂虞廷之教之學再闡於茲院可
也是又豈直爲虞邑重而已余於茲有深望焉因書以
爲之記是役也經始於癸未之冬成於甲申之夏其費
凡若干緡民無知者朱君名維藩淮陽人起家丁丑進
士學諭程克昌司訓戴士完謝瞻皆樂觀厥成例得並
書云○近書院祠宇頽廢復移文公像於水東精舍奎

文閣上春秋丁後祀
之○以上萬曆志
○案萬曆志注云近書院祠宇以守者不得其人亦廢據萬曆志新纂
頽廢復移文公像於水東精舍奎文閣上是朱維藩所
復之書院即於萬曆間廢矣乃嘉慶志云舊在文廟東
北即今承澤書院舊址攷承澤書院創於乾隆四年乾
隆府志並不云承澤書院舊址且承澤書院之在文廟
東北建於何人廢於何時舊志向不載及其為臆說可
知

中峯書院在東山兩眺間臨池水董文簡玘建乾隆府志引萬曆府志

志 邑人潘府講學於是玘嘗從之嘉慶志

古靈書院在縣北屯山之陽今廢乾隆府志引俞府志

松陵書院在嵩鎮北 國朝康熙壬寅郡守俞卿建俞旣

築塘爲虞捍禦餘資建學舍共二十四間置田二十二

畝有奇池二分三釐以作供用歲修之費內李字二百

五分七釐九毫二百八號田三畝四分五釐四百

五十八號田二畝七分八釐一毫四百六十二號田

二畝三分八釐二百八十五號田七畝海字一千

五百四十號田四分六釐七毫致字七百五十號田

一畝二分七釐二毫七絲七百五十一號田三畝三

分八釐九毫海字一千五百七十號池五釐一千

八百七十八號池一分道光間又續置田十二畝一分

八釐○已上嘉慶志道光間又續置田十二畝一分

零寒字一千二百七十四號田二畝民字一百二十

號田二畝二百三十一號田一畝七釐金字四

百三十六號田三分三釐五毫四百九十一號田八

分五釐四百九十五號田一畝六百三十七號田

一畝七百十六號田一畝六釐七百十八號田一

分五釐一千四十四號田二畝六釐一千六十號

田六分五釐附河池一帶
○已上據採訪冊新纂

承澤書院在學宮東側乾隆四年知縣邱兆熊建五十年

知縣繆汝和修葺

乾隆府志○繆汝和記畧戊申秋予攝篆茲土甫下車卽釋奠學宮謁先

聖祠觀所謂承澤書院者梁木侵蠹墻垣頽落慨然有觸於懷因轉思先王之遺澤在人終不以此而久湮也爰進諸生於庭使爲之勸而都人士皆踴躍以從諏吉庀材共圖修葺若宇若堂若廊若舍木者石者陶者丹堊而髹者百度咸集可仍仍之否則易之不匝月而告成焉非敢云有志復古亦庶幾無隳前人無廢後觀而已

限於經費僅建講堂三間偏廂六間於肄業之廩餼
獎賞率多未備至五十九年知縣詹錫齡到任後每月
捐給花紅錢文與儒學輪次課衡歲久將頽道光壬辰

署教諭徐廷鑾捐廉重修是時署知縣楊湖伊別建經

正書院於縣東隅遂改爲義塾延師訓蒙章程盡善據

美錄纂。五美錄承澤書院章程畧曰一承澤書院前

中丞阮宮保捐銀二百兩及賑餘米折銀二百兩又秀

署任捐銀一百兩三項共已易錢發典生息計戊子起

至本年七月底止本利共錢八百九十四千二百三十

文又歷年租穀除開銷外存錢二十七千九百七十文

又前據賈悅良何君達等捐田十九畝三分五釐茲雖

另建經正書院此款並未盡取仍作承澤書院義塾經

費存款每年循舊生息徵租訂設存支印簿二本一交

經正書院首事一手經管一交禮房備查一延師每年

送束修錢四十千文膳金三十千文束修每年端午中

秋年終三節分送膳金按月致送兩項共錢七十千文

一生徒開筵日進館後於二月起十一月止每月提出

錢一千文送交師長以備硃墨紙筆及生徒識字紙塊

字簿之費又每月提出錢十二千文儘生徒人數多寡

字簿之費又每月提出錢十二千文儘生徒人數多寡

按名核股均派分給以爲紙筆之資閏月不給正月十二月在館計日無多故亦不給兩項十個月共錢一百三十千文一師長須品學優備年富力充之士方能盡心啟迪每年着地方紳士公同採訪於甲年十二月初旬稟縣酌定後禮房持縣名帖首事持此規條送師長閱過師長允可然後訂定乙年之席若師長教授有方宜仍舊者首事平日察看稟縣接延倘師長於次年已有他就務在中秋以後向首事言明以便紳士採訪另請

又舊有城河北岸一帶水閣費每歲禮書出票催取

嘉慶志○案嘉慶志又云相傳卽紫陽講學處

作是屋歲修及朔望考試雜用
嘉慶志○案嘉慶志又云相傳卽紫陽講學處
繆汝和卽以紫陽片席題其額攷舊志月林爲紫陽講學所派澤亦因紫陽講學而設乃泳澤在酉溪湖濱後移置金巒山東並不涉今承澤地繆令所題額蓋因紫陽曾講學上虞言之非謂講學於此嘉慶志誤

經正書院在縣城東隅道光十二年署知縣楊溯伊署教

諭徐廷鑾首倡捐廉暨闔邑紳民捐資創建楊湖伊有記載五美

錄大門額曰經正書院儀門額曰麗澤試院左右各建

考棚三十八間為歲科童子就試所又進為講堂後為

正樓上設文昌一座左右廂房庖湏俱備案今大門三

講堂三間正樓五間中為文昌閣左右為書舍正樓前

左右廂書舍各三間正樓左側書舍二間又左面南書

舍三間又左為庖舍三間正樓右側書舍二間又右面

北董事所三間又右為管院住房三間與五美錄所載

小計用錢六千緡有奇又捐置田山沙地畝分詳下暨銀錢

等儲為書院經費凡主講束幣住齋餼廩皆擬有條規

酌量盡善五美錄經正書院條規畧曰一紳士公同議

舉純正首事四人每年十二月初一日開列

四人名單送縣簽點兩人責成管理次年收支錢文之
 事逐年更換接辦以杜久踞侵蝕之弊由縣發給蓋印
 收錢總簿一本將各當商生息錢各佃戶租田錢數載
 於簿首各當商各佃戶見此印簿自行註明某佃戶交
 某年經正書院租息錢若干蓋印圖書方許交錢當舖
 存項只准交利不准交本即地方官挾勢提取借用亦
 不許交付致干着賠並許該首事等稟知大憲行文禁
 止其支領各款每年正月禮房立四柱簿二本蓋印交
 首事領回出入登記清楚每月散膏火後送縣過硃一
 存縣署一存首事以憑內外查對該首事於年終將通
 年收支存廢數目彙冊稟縣查考至次年正月月初十日
 以前即將印簿及支銷四柱簿交與下班首事接管該
 新首事務將舊首事賬目逐款會算明白方許將上年
 用錢總數填入總印簿之內將上年四柱簿繳縣更領
 新簿如有侵虧稟官究追隱一賠九並將侵虧劣蹟榜
 示書院不准再列名單簽點承管首事二人每年各給
 月費錢二千文每年共錢四千文一書院主講須
 請舉人進士品學兼優者聽地方紳士公議稟請本縣

書完